



# Izaã

Ini dîski cuwu huma raa digantii jikuu.

# Izaã



*Amma ruyintiraã:* Mamar Bokor ye Arumi Mamar ye  
Usuman Biran ye Rivers Camp (Galmañ Wûji) ye  
*Aũ kéliyima:* Robert Johnson «Sûmpi Zen»  
*Amma geyintiraã:* APE ©2018

# Ai izaã.

Izaã mire têski dêri,  
têska kura kege.

4



Ciiru têska kura ru  
mire hêdine cii.

5

**Dogu ru  
nciyoo cuwu.**

Mire gîskei ciiṅa jillan nu  
kiri huma na dassigi, cuwu  
huma raa digantii jiki. Têska  
kura ru bu na kege maru  
na kege kidde na kege.



Te mire têska kura ru gîskei  
ciiṅa jillan nu gisigi. Kiri  
huma ye nubu huma ye jillan  
nu «izaã» intirigi. Te mire  
gîskei ciiṅa jillan nu gisigi.

**Hêdine  
nciyoo  
maru.**




«Izaã ma ru gurugi ni ji  
cûlukunji» ntirigi, ciiru tafu daa  
jikuũ-i bîlibilidini cii. Izaã kô  
huma daa nunuwii bêyi.

Tafu nturuũ

8

Izaã

9



**Tafu nturuũ daa jikuũ bîlibilidini  
cii, ciiru taara lau înni na ɲissirii  
dêki. Izaã ru kûriyiŋoo na  
bîlibilidini cii. Izaã ma ru guruwoo  
cuwu izaã ɲa tafu daa waši royi dîi.**

**Tafuũ bîlibilidini  
lau cuwu dîiŋa dau  
sîgi ceŋoo taara ru  
dugušine. Lau cuwu  
dîiŋa taara lau  
ceŋoo bû tayine.**

# Mari mire înni?

Ini tra izaã cuwu huma kûi zuroo mari gurugi. Tafu nturuũ mire tûkuli jillan nu lau cuwu ña taara lau ceṅoo izaã daa nawu dîi. Lau têe yesku.



Dîski

Dugusu



Tafuũ bîlibilidiniî lau cuwu ña dau sîgi ceṅoo taara lau dugušine. Mari tafu ña duro zudde. Te mire înni gisigi? Tafu daa jikuũ mire bîlibilidiniî ciîṅa ai gisigi.

**Kôï tafu daa jikuũ mari tafuũ ña duro zuroo «bû dugušine» ntirigi. Kôï tafu daa jikuũ mari tafuũ ña curuwoo izaã fušĩni ni «bû tayine» ntirigi.**

A diagram of the Earth showing its rotation. The Earth is depicted with the Americas visible. A white curved arrow on the right side of the Earth indicates a counter-clockwise rotation. The Earth is enclosed within a larger orange circle, which is also surrounded by a white curved arrow pointing in the same counter-clockwise direction.

**Lau ai dugušine.**



**«Belke naana  
izaã ma ru  
gurugi» ntirigi.**



**Bî belke tigusoo taara cuwu izaã ña  
duturii jiki. Lau cuwu ña mari tafu  
ña curuure. Bî dugusu tigusoo lau  
cuwu ña mari tafu ña duro zudde.**



Ize turon duro sa 24 ciki. Sa 24  
înni kege ru ciki? Te mire tafu daa  
jikuũ bîlibilidiniî saga digi huma  
ŋa irroo sa 24 tigiŋoo êski ru irriŋi.



**Zeke tafuũ  
bîlibilidiniî ciîŋa  
ai kege.**

# Ara tafa wussu ginna.



Tafu daa jikuũ kege tafa kuraã tûrusu ciki. Tafu daa jikuũ kii wussu ginna izaã ru kûriyintigi. Tafa kuraã duro nturuũ ru dogo cikaã wôwa.

Tafa kuraã nturuũ kii izaã ru hêdine cikaã kidda. Ina orrora ginna tafu nturuũ bussu raa cii.

«Izaã mire ma ru gurugi ji ru cûlukunji» ntirigi, ciiru tafu daa jikuũ izaã kûriyini cii. Tafu nturuũ daa jikuũ izaã kûriyiŋoo saga digi huma ŋa irroo digisa 365 tigiŋi. Digisa ta foktintoo sagasun turon tigiŋi.

**Kûrii digi huma  
ŋa irroo sagasun  
turon tigiŋi.**

**Orrora ye ina  
zira ye izaã  
daku.**



**Orrora ye ina zira lîdda ye ginna  
cuwu izaã ña daku. Te înni gisigi?  
Cuwu izaã ña bîtamin hun dîi.  
Izaã bënnoo tigusinni.**



**Izaã bu.  
Tafuũ addi.**

Izaã mire buru bu. Izaã  
mire bal goru kogo  
tafuũ gigiri kege.

Izaã

Tafuũ

# Ai izaã.

Izaã mire duusutu ginna cii  
ciiru bini ina muntu hanantir.



***Amma ruyintiraã:***  
Mamar Bokor ye Arumi Mamar  
ye Usuman Biran ye Rivers Camp (Galmaï Wúji) ye

***Aũ kèliyima:***  
Robert Johnson «Sûmpi Zen»

***Amma geyintiraã:***  
APE ©2018

[www.dazaga.com](http://www.dazaga.com)





[www.dazaga.com](http://www.dazaga.com)